



KENYATAAN MEDIA

28 OKTOBER 2015

PELAJAR PPK MIKROELEKTRONIK UniMAP RAIH ANUGERAH CAS TIGA TAHUN BERTURUT-TURUT

Tronoh, 28 Oktober – Seorang pelajar Universiti Malaysia Perlis (UniMAP) terpilih sebagai salah seorang penerima Anugerah Inovasi ‘Circuits and Systems Society’ (CAS) oleh Institut Kejuruteraan Elektrikal dan Elektronik (IEEE) Circuit and Systems Malaysia di Universiti Teknologi Petronas (UTP), di sini hari ini.

Pelajar jurusan Elektronik Pusat Pengajian Kejuruteraan (PPK) Mikroelektronik berkenaan, Muhammad Rizwan Che Noh di bawah seliaan pensyarah UniMAP, Mohd Natashah Norizan dan Ili Salwani Mohamad menerima anugerah berkenaan di majlis “2015 IEEE CAS Malaysia Chapter Hi-Tea”.

Dalam majlis yang bertemakan “Internet of Things (IoT) for Sustainable Living” ini, Rizwan telah menerima wang tunai sebanyak RM 100 beserta sijil Anugerah Inovasi daripada IEEE CAS menerusi projeknya “Development of Smart Cleaning System for Photovoltaic Module”.

Dua lagi pemenang yang juga telah menerima anugerah berkenaan ialah Suraya Nafila Binti Ruzaidi (UTP) dan Lee Xin Yi dari Universiti Putra Malaysia (UPM).

Untuk rekod, sejak dua tahun lalu, pelajar UniMAP Leong Ming Pei dari jurusan dan PPK yang sama turut meraih anugerah itu di bawah seliaan pensyarah Siti Zarina Md Naziri dengan tajuk “Image Encyption using FPGA” pada 2013 manakala Lim Yen Nee meraih anugerah berkenaan dengan tajuk “FPGA Based Fisheries Monitoring System for Tilapia” pada 2014.

Anugerah Inovasi CAS oleh IEEE Circuit and Systems Malaysia itu adalah satu anugerah yang mengiktiraf tiga projek tahun akhir cemerlang dari institusi-institusi pengajian tinggi awam dan swasta dari seluruh Negara yang menerapkan unsur-unsur inovasi dalam teori dan aplikasi litar serta rekabentuk.

Selain daripada slot anugerah ini, majlis ini telah dimeriahkan lagi dengan sesi syarahan IoT daripada Professor Dr Hiroo Sekiya dari Universiti Chiba, Jepun, Ketua Pengarah Eksekutif REDtone IoT Dr Mazlan Abbas dan Professor Madya Dr. Ku Zilati Binti Ku Shaari dari UTP.

Dikeluarkan Oleh :

Aininulniza Mohd Yusof (aininulniza@unimap.edu.my)

Pegawai Perhubungan Media UniMAP